

NK-3297.

13/1

Na osnovu članova 5. i 29. Zakona o Vladi Tuzlanskog kantona („Službene novine Tuzlanskog kantona“, broj: 17/00, 1/05, 11/06, 13/11 i 15/17), a u vezi sa članom 8. stav (1) Zakona o lijekovima („Službene novine Federacije Bosne i Hercegovine“ broj: 109/12), na prijedlog Ministrice zdravstva Tuzlanskog kantona, Vlada Tuzlanskog kantona na sjednici održanoj dana 03.12.2019. godine, d o n o s i

**ODLUKU**  
**o Pozitivnoj listi lijekova Tuzlanskog kantona**

**Član 1.**

Ovom Odlukom utvrđuje se Pozitivna lista lijekova Tuzlanskog kantona (u daljem tekstu: Pozitivna lista lijekova) koja sadrži lijekove koji se mogu propisivati i izdavati na teret sredstava Zavoda zdravstvenog osiguranja Tuzlanskog kantona.

**Član 2.**

Pozitivna lista lijekova iz člana 1. ove Odluke, sastavni je dio ove Odluke i čine je dvije liste i to:

- A lista lijekova – lijekovi sa učešćem Zavoda zdravstvenog osiguranja Tuzlanskog kantona (u daljem tekstu: Zavod) u cijeni lijeka od 100 %, odnosno lijekovi za koje nije moguće utvrđivati učešće osiguranika u nabavci lijeka;
- B lista lijekova – lijekovi sa učešćem Zavoda u procentualnom iznosu određenom Odlukom Vlade Tuzlanskog kantona, saglasno finansijskim mogućnostima Kantona.

**Član 3.**

Pozitivna lista lijekova pored podataka iz Liste lijekova obaveznog zdravstvenog osiguranja sadrži i sljedeće podatke o lijekovima: zaštićeno ime lijeka, naziv proizvođača lijeka, cijenu lijeka sa PDV-om, indikacije i napomenu.

**Član 4.**

Za propisivanje i izdavanje lijekova iz člana 2. ove Odluke primjenjivati će se odredbe Pravilnika o uslovima za propisivanje i izdavanje lijekova u prometu na malo.

**Član 5.**

Izmjene i dopune ove Odluke, odnosno Pozitivne liste lijekova, vrše se na način i po postupku kako su doneseni.

**Član 6.**

Danom stupanja na snagu ove Odluke prestaje da važi Odluka o Pozitivnoj listi lijekova Tuzlanskog kantona („Službene novine Tuzlanskog kantona“, broj: 15/18 i 6/19).

**Član 7.**

Ova Odluka će se primjenjivati od 01.01.2020. godine.

**Član 8.**

Ova Odluka stupa na snagu danom donošenja, a objavit će se u „Službenim novinama Tuzlanskog kantona“.

BOSNA I HERCEGOVINA  
Federacija Bosne i Hercegovine  
TUZLANSKI KANTON  
VLADA



PREMIJER KANTONA  
Prof. dr. Denijal Tulumović

Broj: 02/1-37-22487/19  
Tuzla, 03.12.2019. godine